



Reykjavík 29.04.2021

Borgarráð Reykjavíkur  
Tjarnargötu 11  
101 Reykjavík

Hér með sendist útskrift úr gerðabók umhverfis- og skipulagsráðs frá 28. apríl 2021 varðandi eftirfarandi mál.

### **Tímabundnar göngugötur í miðborginni**

Lögð fram tillaga umhverfis- og skipulagssviðs, skrifstofu samgöngustjóra og borgarhönnunar, dags. 23. apríl 2021, um að framlengja tímabundnar göngugötur þar til deiliskipulag 2. áfanga hefur tekið gildi.

*Formaður skipulags- og samgönguráðs leggur fram svohljóðandi breytingartillögu:*

*Lagt er til að eftirfarandi götur verði tímabundnar göngugötur þar til nýtt deiliskipulag (Laugavegur sem göngugata, 2. áfangi) hefur tekið gildi. Tímabundnar göngugötur skulu þó ekki vera lengur en til 31. desember 2021:*

- Laugavegur milli Klapparstígs og Frakkastígs
- Vatnsstígur milli Laugarvegs og Hverfisgötu

*Almenn umferð og bifreiðastöður verði óheimilar. Akstur vegna vöruafgreiðslu verði heimilaður milli kl. 7 og 11 virka daga og milli kl. 8 og 11 á laugardögum. Aðgengi íbúa/starfsemi með bílastæði inni á lóð við göturnar verði tryggt. Tímabundnar göngugötur verði merktar með viðeigandi merkjum í samræmi við reglugerð um umferðarmerki og notkun þeirra.*

*Breytingartillagan er samþykkt og tillagan svo breytt með fjórum greiddum atkvæðum fulltrúa Samfylkingarinnar, Viðreisnar og Pírata. Fulltrúar Sjálfstæðisflokksins, Eyþór Laxdal Arnalds og Marta Guðjónsdóttir, greiða atkvæði gegn tillögunni og fulltrúi Sjálfstæðisflokksins, Katrín Atladóttir, situr hjá. Vísað til borgarráðs.*

*Fulltrúar Samfylkingarinnar, Viðreisnar og Pírata leggja fram svohljóðandi bókun:*

*Hér er verið að framlengja göngugötur fram að því að nýtt deiliskipulag sem gerir þennan kafla Laugarvegar að varanlegri göngugötu tekur gildi. Við styðjum og fögnum Laugavegi sem göngugötu, nú sem áður.*

*Fulltrúar Sjálfstæðisflokksins, Eypór Laxdal Arnalds og Marta Guðjónsdóttir, leggja fram svohljóðandi bókun:*

*Á fundinum var lögð fram tillaga um "tímabundna" lokun Laugavegar sem er ótímabundin í reynd. Tillagan sem lögð var hér fram var því ekki tæk. Nú er tillagan lögð fram breytt þannig að hún eigi að gilda út þetta ár án þess að samráð hafi verið haft við rekstaraðila um slíka ákvörðun. Rétt er að benda á að varanleg lokun Laugavegar hefur ekki verið samþykkt með staðfestu deiliskipulagi, en mikil andstaða er við þá breytingu.*

*Áheyrnarfulltrúi Miðflokksins leggur fram svohljóðandi bókun:*

*Enn eitt klúðrið í stjórnslu Reykjavíkur. Lokun Laugavegarins er mjög ljótur blettur á störfum meirihlutans. Lokunina skortir lagaheimildir ; þessi tillaga staðfestir það. Enn er verið að leggja til að framlengja lokun á undanþáguákvæði sem er framlenging á tímabundinni ákvörðun "þar til deiliskipulag taki gildi" og varanleg lokun Laugavegarins verði að veruleika. Tillagan sem lá fyrir fundinum var svo illa unnin að skrifa þurfti nýja tillögu og leggja fyrir fundinn. Enn einu sinni er verið að ögra rekstraraðilum á svæðinu en þeim, Reykvíkingum og landsmönnum öllum má vera ljóst að lokunin er eitt stórt fíaskó sem byggir á veikum lagagrunni. Laugavegurinn er rústir einar og líkist yfirgefnum draugabæ í eyði svo ekki sé talað um þær hörmungar sem rekstraraðilar hafa mátt þola frá borgarstjóra og meirihlutnum. Skömmin og ábyrgðin er þeirra. Munið það Reykvíkingar.*

*Áheyrnarfulltrúi Flokks fólksins leggur fram svohljóðandi bókun:*

*Skipulagsráð vill framlengja göngugötur þar til deiliskipulag 2. áfanga hefur tekið gildi og þá eiga þessar götur að vera varanlegar göngugötur. Brúa á bilið. Í ljósi samráðsleysis með tilheyrandi leiðindum í kringum allt þetta mál spyr fulltrúi Flokks fólksins hvort þessi ákvörðun sé ekki bara olía á eld? Freistandi væri auk þess að opna fyrir umferð og sjá hvaða áhrif það hefði. Vel kann að vera að viðskipti glæðist í miðbænum.*

F.h. umhverfis- og skipulagssviðs

Glóey Helgudóttir Finnsdóttir

Fylgigögn: tillaga umhverfis- og skipulagssviðs, skrifstofu samgöngustjóra og borgarhönnunar, dags. 23. apríl 2021



## Skipulags- og samgönguráð

### ***Tímabundnar göngugötur - framhald: Laugavegur milli Frakkastígs og Klapparstígs ásamt Vatnsstíg milli Laugarvegs og Hverfisgötu***

Lagt er til að eftirfarandi götur verði áfram tímabundnar göngugötur þar til deiliskipulag hefur tekið gildi:

- Laugavegur milli Klapparstígs og Frakkastígs
- Vatnsstígur milli Laugarvegs og Hverfisgötu

Almenn umferð og bifreiðastöður verði óheimilar. Akstur vegna vöruafgreiðslu verði heimilaður milli kl. 7 og 11 virka daga og milli kl. 8 og 11 á laugardögum. Aðgengi íbúa/starfsemi með bílastæði inni á lóð við göturnar verði tryggt. Tímabundnar göngugötur verði merktar með viðeigandi merkjum í samræmi við reglugerð um umferðarmerki og notkun þeirra.



#### Greinargerð:

Skipulags- og samgönguráð samþykkti í september 2020 að umræddar götur yrðu áfram tímabundnar göngugötur frá 1. október 2020 til 1. maí 2021. Nýtt deiliskipulag fyrir Laugavegin sem göngugötu, 2. áfanga sem nær yfir Laugaveg frá Klapparstíg að Frakkastíg auk Vatnsstígs, var samþykkt í skipulags- og samgönguráði 10. mars 2021 að lokinni auglýsingu. Borgarráð samþykkti tillöguna þann 18. mars og borgarstjórn þann 20. apríl. Að óbreyttu tekur deiliskipulagið gildi eftir auglýsingu í Stjórnartíðindum á næstu vikum og umræddir götukafar verða þá varanlegar göngugötur.

fyrir hönd skrifstofu samgöngustjóra og borgarhönnunar

Þorsteinn R. Hermannsson  
Samgöngustjóri